

Դանիել Վարուժան

Հեթանոսական
երգեր



eMatenadaran.

Գանիել Վարուժան Հեթանոսական երգեր

http://www.litres.ru/pages/biblio_book/?art=24431326

Հեթանոսական երգեր:

ISBN 9781772468229

Аннотация

«Հեթանոս երգեր» բանաստեղծությունների ժողովածուն լույս է ընծայվել 1912 թ. Կ.Պոլսում: Ժողովածուն գրված է հեթանոսական շարժման սկզբունքներին համապատասխան: Ժողովածուն բաղկացած է երեք բաժնից՝ «Գողգոթայի ծաղիկներ» ու «Հեթանոս երգեր» շարքերից եւ Հարճը պոեմից: Առաջին շարքում պատկերված են իրականությունը, բուրժուական իրականության գոհ բանվորներն ու աշխատավորներն (Աստուծո լացը, Մեռնող բանվորը, Խաբված կույսեր, Միջոն, Սպասում, Ընկեցիկը, Պատգամավորներս եւ այլն): «Հեթանոս երգեր» շարքում պատկերված է իդեալը, մարդու պաշտամունքը: Այս շարքի բանաստեղծությունները կնշոռն ու գեղեցկության գովերգեր են (Կղեռպատրա, Օ, Տալիթա, Հեթանոսական, Արեւելյան բաղնիք, Օրհնյալ ես դու ի կանայս, Անահիտ եւ այլն):

Содержание

ԳԵՂԵՑԿՈՒԹՅԱՆ ԱՐՁԱՆԻՆ	4
ՎԱՆԱՏՈՒՐ	5
ԵՐԵՔ ՔՈՒՅՐԵՐ	10
ՀԵԹԱՆՈՍԱԿԱՆ	12
ԿՂԵՈՊԱՏՐԱ	16
ՋՈՒՐԻՆ ՎՐԱ	20
Ո՛Ր ՏԱԼԻԹԱ	21
ԱԴՈՆԻՍԻ ՄԸ	23
Конец ознакомительного фрагмента.	24

Դանիել Վարուժան Հեթանոսական երգեր

ԳԵՂԵՑԿՈՒԹՅԱՆ ԱՐՁԱՆԻՆ

Կ'ուզեմ ըլլա քու մարմարիո՛ւնդ պեղված
Ոլիմպոսի ամենեն խոր արգանդեն.
Եվ իմ սուրճիս տակ ըզգենու հրրեղեն
Միս մը կընոջ, լույսով, տենդով սըրարբած:

Աչքերդ ըլլան վիհեր՝ ուր մարդ երբ սուզի՝
Հավերժին մեջ անմահացած ըզգա գինք.
Գիծերդ անե՛ղծ ըլլան, ըլլան քու ըստինք
Դաշնակություն մ'ուր կենսահյութը հուզի.

Մերկ ըլլաս դուն բանաստեղծի մ'հոգվույն պես,
Եվ հեթանոս այդ մերկությանըդ ներքև
Տառապի՛ մարդն ու չըկրնա դըպչիլ քեզ:

Թե հարկ ըլլա գոհ մը ընել քեզ պարզև,
Բագինիդ ե՛ս պիտի ուզեմ մորթըվիլ՝
Որպեսզի կուճդ ընպե արյանս հուսկ կաթիլ:

ՎԱՆԱՏՈՒՐ

... Ամենաբեր նորոց պտղոց տօնից
հյուրընկալ դիցն Վանատրի.
ԱԳԱԹԱՆԳԵՂՈՍ

Նըստած պարարտ եգիղ վրա, ո՛ր Վանատուր,
Մեկ ծագեն մյուսը կանցնիս
Հայրենական դաշտերուն:
Մեռա՛ն բոլոր մեծ աստվածները, իրենց
Բագիններուն վըրա մամուռը կ'աճի:
Անմահ եղար դո՛ւն միայն
Նըման հողին և կըրակին, ու նըման
Օվկիանոսի աղերուն:
Ուսերուդ հիր պատմուճանեն դեռ կու գա
Գինիի հոտն Ամանորի տոներուն:
Հակառակ այնքա՛ն դարերու ավերին՝
Բիբերըդ դեռ զըվարթություն կը բըղխեն.
Ու կենեղուտ դեմքիդ վրա
Արբեցողի կարմիր ծիծաղն է ծեփված:
Ու երբ պարարտ եգիղ վըրա կ'այցելես,
Ծաղկամիսեն Միգաբեր,
Անեզրությունն հայրենական դաշտերուն՝
Կ'հոսի ալի՛քը կյանքին
Ակոսներեն հայրենակա՛ն դաշտերուն:

Ահա գարունն ու գարթուններն իր առույգ.
Հիրիկներո՛վ պըսակվե, ո՛ր Վանատուր,
Ճամբող վրա ճառագայթներ կը հոսին
Երակներո՛ւղ պես գեղուն.

Եվ կը թաղվին կանանչին մեջ ցողաթուրմ
Բոլոր քարերն ըսպիտակ:

Կըտուրներեն գեղջկական

Կը բարձրանա ծուխը, խունկի պես խաղաղ:

Թող ես վարդով և ուլունքով գեղաշար

Քառամանյարս կախենմ

Պարանոցեն քու եզիդ,

Հըլու եզիդ՝ որ դարձամ՝

Մերթ կը լիզե բոպիկ ոտքերդ Աստվածի:

Օ՛, իր պոչյուր գերագոր, որ ահա

Քարանձավե քարանձավ

Կ'արթընցընե թըմրամ օձերն ու արջերն,

Ու խաղաղ կյանքն արևուն տակ կը պտոթկա:

Ատղերը մեղը՛ր կը ծորեն երկընքեն

Նայադներու սավիորներուն մեջ մարամար

Արշալուսված աղբյուրներուն եզերքին

Աղավնիներ կը լոգնան

Իրենց կտուցեն մարգարիտներ սըրսկելով:

Ծիծաղե՛, ո՛ր Վանատուր,

Քու հեթանոս ծիծաղներովըդ վըճիտ,

Զի բընությունն արթընցա՛վ իր քողերեն.

Զի Բերկությունն, արգասավոր և անհուն,

Օդին մեջեն կ'անցնի կ'երթա, նըման

Մեծ կարապի մը վայրի,

Քու հաղթանա՛կըդ կ'երգե:

Ահա ամառն ու իր անդերը խարտյաշ:
Որաներո՛վ պըսակվե, ո՛վ Վանատուր:
Պըճեղներուն տակ եզիդ
Մատղաշ ցորյանն անտառացավ. այժըմ իր
Ծովերուն մեջ՝ ոսկյա լոգանքըդ ըրե՛:
Թուփերուն տակ ծաղկահեղց
Բույներն են լի՛ օրհնությամբ,
Եվ արտույտին երգն արևե՛ն մեզ կու գա:
Քու արգավանդ անույշ շունչդ է՝ որ կ'անցնի
Դալարավետ բըլուրներուն կողն ի վար:
Երդիքին վրա քընացող

Գեղշուկին աշքն ա՛լ կը բանա՝ Արշալույսն,
Եվ կը փակե՝ Լուսնկան:
Հյողերն են լի համեմներու բույրերով,
Ավերակներն իսկ մոխրապատ՝ են գեղուն
Եղիճներու, մոլոշներու հունձքերով:
Ուռենիին տակ, Վանատո՛ւր, կը գոհեն
Նոխագը, քեզ նըվիրված,
Քամակին վրա՝ ակոսի պես կը ճեղքվին.
Նոխա՛զն որ միշտ կը կըրծեր
Սուրբ շերտափակն այգիիդ:
Արյո՛ւն խըմն ու մի՛ս կեր, ո՛վ Վանատուր,
Քու հինօրյա խըրախներովդ հեթանոս,
Զի հասկաթոտ ցորյանին մեջ փայլակող
Գերանդիներ քե՛զ կ'երգեն:

Ահա աշունն ու արյուններն իր հուրթի.

Որթատունկո՛վ պըսակվե, ո՛ւ Վանատուր:
Նհիգակըդ ա՛ն, որուն վըրա ոլորուն
Բարունակներ կը ծաղկին.
Թող ես եզիդ եղջյուներն
Ողկույզներո՛վ գարդարեմ:
Մըրգածառերն, հըրի կընոջ մը նըման,
Կ՛հևան իրենց բեռին տակ.
Բուներն համակ կըպշուն են քա՛ղցըր հույզով.
Կորիզն ամեն պըտուղի
Քու սերմովդ է պընդացած.
Եվ քու եզիդ շողիքով
Օծված է հողը բեղուն:
Ամբարներն ողջ՝ խաղաղությամբ կը լեցվին,
Եվ կարասներ՝ ցընծությամբ...
Թող, թեղերուն մեջ, ուտե եզըդ գարի՛ն
Աստղերու պես: Իսկ դուն, Աստվածըդ գըվարթ,
Աստվածըդ գեր, վարդերես,
Ա՛ն դաշխուրանդ, ընպե՛ այրունը աշնան:
Աղբյուրին քով ես քեզի
Մատըովակեմ թող գինի՛,
Մատըովակեմ թող բոցե՛ր,
Ծիծաղե՛, ո՛ւ Վանատուր,
Ո՛ւ Վանատուր, կաքավե՛.
Զի այգիեն տերևաթափ՝ կ՛երևան
Հավերժհարսերն, երկայնքն ի վեր ցանկերուն,
Եվ աղջիկներ, նուր լեցուցած գոգերնին,
Դեպի մեհանըդ կ՛երթան.
Զի դու անմահ ես՝ դիքերեն վերջ մեռած՝
Օվկիաններու աղին պես,

Զի տաղտկալի ձրնրան մեջ,
Հայրենական օճախներուն քով խաղաղ,
Ամեն կիթառ քե՛զ կ՛երգե:

ԵՐԵՔ ՔՈՒՅՐԵՐ

Անոնք երեք քույրեր էին
Նըման երեք Շընորհներուն.
Երեքն երեք ուխտեր ըրին
Առջևն երեք քազիներուն:

Երեցն ըսավ. – “Դի՛ք կայծակի,
Քե՛զ կը ձոնեմ մազերս ոսկի”:

Միջնեկն ըսավ. – “Ըզգա՛ստ Հիմենն,
Քեզ կ’ընծայեմ մատնիս հրեղեն”:

Կըրտսերն ըսավ. – “Վավա՛ջ Աստղիկ,
Ա՛ն իմ կույսի գոտիս ծաղիկ”:

Ո՛վ որ մազերն ձոնեց Ջևսի՝
Յոթը ազգի յոթ խույր կապեց
Գահին վըրա Արտաշեսի:

Ո՛վ որ մատնին տվավ Հիմենին՝
Յոթը չըքնաղ հերոս ծընավ
Գերահրզոր Հայաստանին:

Ո՛վ կույս գոտին մեջքեն ձրգեց՝
Ան՝ տատապյալ քույրը եղավ,

Եվ բոցնոցին մեջ նորո ծախեց:

ՀԵԹԱՆՈՍԱԿԱՆ

Ապարանքին մեջ մարամար կախարդական Երագին,
Ու աստղակոտ ջահեր լույս անձրևելով կը վառին,
Ես Արքա մ'են այս գիշեր Արևելքի ճոխությամբ,
Եվ ունիս գահ ու գանձեր, ճերմակ կիներ հերապանձ:
Բագնոցիս վրա՝ զարդարված հովագներու մորթերով՝
Գլուխս հեցած դաստակիս, և հեշտության մեջ գինով,
Ընկողմանիկ կը դիտեմ Չերքեզուհի մը անձնյա՝
Որ կը պարե իմ առջև, մարգարտահեռ գորգին վրա:
Իր հոտևան մագերեն և մարմինեն ծալ ի ծալ
Կը հոսի ծով մ'հեշտության՝ ուր կը սիրեն ես լողալ:
Ըզգեցեր են փառահեղ պատմութանններս ըսպիտակ
Բանված հազար աստղերու արցունքներովը սուտակ.
Շուրջը գլուխիս փաթթեր են ապարոշս իմ ձյունափայլ՝
Ծանրը՝ նըման իմ փառքիս, հանճարիս պես՝ բյուրածալ:
Մատնիներով աղամանդ ծանրաբեռնված ձեռքիս մեջ
Համրիչըս հի'ն կը գրլեն մեծ սաթերով փողփողէջ:
Ինկեր են վար ոտքերես անխնամ գորգին վրա քրքրում
Հողաթափերս ոսկեհյուս և թաշկինաս ապըրշում:
Իսկ գետեղված է իմ քով, կենսածրափտ, փրրփրադեգ,
Հըսկա բաժակըս գինվո՝ որ հըրաշքով մը կարծես
Դեռ նոր հոսված արյան պես կը պըճըլտա իմ առջև:
Սակայն բիբերըս ծարավ գույն ու մարմնո գեղանձ՝
Մագարեի մ'աղոթող բիբերուն պես տեսլացած՝
Անհունորեն սուզեր են հորձանքին մեջ ճախրապալաց

Այն թրխաչվի աղջրկան, Չերքեգուիվույն համպարե՝
Որ իմ առջև կը պարե՛, միշտ կը պարե՛, կը պարե՛...
Իր շարժումն հո՛ւյլ է երբեմն, ու իր հասակն է նրման
Հողմնասարսուռ եղեգին, բույր ու փրփուր, երգ համայն.
Իսկ երբեմն այնքա՛ն գորեղ թափ մը կու տա ոտքերուն՝
Որ խարույկված բոց կ՛ըլլա՝ քամիներն ծըփծըփուն:
Օ՛, ան միսին ձևերուն և ծալքերուն հանճա՛րն է.
Գիտե հեղույ հորդառատ նայվածքներե, մարմինե
Բոլոր հրապույրը կընոջ և տրոփիները հեշտին՝
Որոնք նրման ծովերու առջևս անգուսպ կը փրփրին:
Ու կը պարե՛, կը պարե՛, հորձանապտույտ կը պարե՛...
Քըրտինքներով կը պըտղի ճակատն հըստակ փայլարե:
Վեհ հասակն իր կախարդի՝ մագերուն տակ ծածկըված՝
Ուռենիին խոովքն ունի՝ լըճակին վրա ցուացած:
Մերթ դեպ ետև կը թեքի, մերթ ալ դեպի ընդառաջ.
Հագիվ եղած շամբ ճըկուն, կ՛ըլլա բարտի մ՛աննըված.
Եվ մերթ ցընցուն ոստումով՝ կարծես իրանն հրաշագեղ
Հանկարծակի կը փըշրե փոշիաբար գերդ բյուրեղ.
Ու հագիվ հազ դաշնակում մ՛իր մարմինեն եղծանած՝
Նոր թեքումով կ՛հորինե նո՛ր դաշնակում մը հանկարծ:
Մարգարտահեռ մուճակներն, ուր ոտքերն իր ձուլվեր են,
Կարծես հագիվ կը հըպին գորգին վըրա նըկարեն.
Ու իր հատուկ ճախրանքեն կ՛առնու հով մ՛ա՛յնքան
ծավալ,

Որ կը մարե երբեմն հա՛ւպ, ու կ՛արծարծե երբեմն ալ
Իր ականջին օղերուն փայլատակները լազվարթ
Ու իր բոլոր քայտերուն ճառագայթները զըվարթ:
Ու կը պարե՛, կը պարե՛, կատաղորեն կը պարե՛,
Միշտ հըպատակ ցոփ կամքիս՝ որ գինք ընդմիշտ կը

վարե:

Գլուխեն վե՛ր կը նետե նուրբ պատմութեանն հապըշտապ.
Կը մերկացվին ըստինքներն ու պարանոցը կարապ,
Ու որովայնը բարի՛ իր սև պորտով կընքըված,
Եվ հույր բումբերը, բուր՛ր մյուս մասերն առեղծված
Համակ խորհուրդը միսին ու իր անճառ ձևերուն՝
Ուր դրեր է իր վերջին հանճարը միտքն Աստըծուն:
Երբ կը տեսնե իր աչքով մերկությունն իր բյուրեղյա՝
Հրապույրներու այդ բուրբ շալյման վրրա կ'ամչընա.
Այն ատեն ցունց մը կու տա փորթորկալից մագերուն՝
Որոնց քամին թափընդթափ կ'երթա մաեւ սըրսըփուն
Ադամանդե ջահերն այն մարմարակերտ պալատին,
Մարմարակերտ պալատին ձեղնալույսերը ռետին:
Ո՛վ մերկություն հրաշագեղ, Հավերժահա՛րս ամոթյաձ՝
Որ խորհուրդի մը նըման մըթության մեջ ես դողված...
Այն ժամանակ կ'ոստնում վեր կիրքերուս մեջ ծարավի՛
Թողլով որ ձյուն ապարոշս իյնա ոտքիս տակ լուծվի:
Մըթարին մեջ առխարխափ Չերքեգուհին կը գտնեմ՝
Առաջնորդված իր կուրծքին հեքերեն բուռն ու վըսեմ,
Եվ քրտնաթոր դաստակեն պինդ բըռնելով՝ մեկուսի
Կը պառկեցնեմ բագնոցիս մորթերուն վրա հովազի:
Օ՛, մագնիսով և լույսով թըրծունմարմինն աղարծրի՛
Որ թներուս մեջ կաթի արյունի պես կը փըրփրի.
Օ՛, իր մագերն հողածուփ՝ որոնց մեջ ես կը լողամ
Խորը անոնց խեղդվելու վըտանգներով հարածամ,
Օ՛, ջերմությունը սաստափ բագուկներուն տարփակեզ՝
Որոնցնով վիզըս գորեղ կը պարուրե օձի պես:
Հուսկ իրարու կ'միանանք մենք համբույրով մը հըզոր...
Երբ կը ծըծեմ բերնիս մեջ առած շըրթներն իր բոսոր,

Երբ ժամերով կը քամեմ բյուր երակներն, հուլորեն,
Օ՛հ, այն ատեն ճաշակած կ'ըլլամ կարծես համորեն
Հին դարերուն հեթանոս դահամունքներն հագածո,
Հընդկաստանի համեմներն, հայն խունկե՛րն Արաբիո:

ԿՂԵՈՊԱՏԲԱ

Կյուղնոսին վրա քարավազ
Հրնչեց տավիդ, հրնչեց վին..
Եթովպիացի մ'ոպնիազ
Կ'երգե՝ քիթին վրա կուրին.

–“ Սահե՛, ո՛վ նավ, սահե՛ շուտ.
Արծաթ ցուկիդ ես գերի.
Մեջըդ սիրտ մը բոցանուտ
Դափնեվարդի պես կ'այրի:

Դըշխո՛, նավակըդ բուրյան
Ունի սատափ թեճակներ՝
Որոնց ծայրեն կը տեղան
Ադամանդյա կայլակներ:

Սահե՛, ո՛վ նավ, սահե՛ շուտ
Ահա Տարսոնը գինով:
Կ'ուզե Իտալը անգութ
Շըղթայվիլ մեղկ թներով:

Բաբի՛՛շ, դեմքեդ կը ցոլան
Բոցեր՝ գետի երեսին.
Լուսինն այսպես կու գա ման
Չուրերուն վրա Նեղոսին:

Սահե՛, ո՛վ նավ, սահե՛ շուտ
Ծաղկածիժաղ ավին ի վեր.
Նուռ մ՛ավասիկ կարմրակուտ
Այգիեն մեջդ է ինկեր:

Դըշխո՛, վըրադ պարզեր են
Ամպհովանի մ՛ոսկեթույր,
Առջևըդ խունկ կը ծըխեն
Յոթը նաժիշտ, յոթը քույր:

Սահե՛, ո՛վ նավ, սահե՛ շուտ
Եվ օրորե թագուհին...
Մեր տակ կ՛երգե ջուրն ընդփույթ
Պատմելով թովքն անդունդին:

Բամբի՛շ, ծոցիդ բուրումեն
Վիհին օձերն արթընցան.
Շուրջըդ ահա կ՛արտասվեն
Մարգարիտներ մոզական:

Սահե՛, ո՛վ նավ, սահե՛ շուտ
Տարսոնն հեռուն կ՛երևա.
Չահեր կ՛այրին բոցանուտ
Նիզակներուն ծայրին վրա:

Դըշխո՛, կողեն նավակին
Ներս քաշե ձեռքըդ քընքույշ.
Մատնիդ կ՛իյնա խորն ալքին.

Կ'ընկերդմվի կույսըդ, ըգգո'ւյշ:

Սահե', ո'վ նավ, վիհին վրան
Բաբելոնյան կա'խ պարտեգ՝
Ուր Շամիրամն է՝ շուշան,
Կդեռպատրան՝ վարդ մ'է վես:

Բամբի'շ, գոհարը թագիդ
Եղավ Քաղքին ա'լ փարոս:
Աշքը քեզի անքըթիթ
Հոն կը սպասես Անտոնեսու:

Սահե', ո'վ նավ, շո'տ սահե,
Քանի որ մեջդ է Իսիս՝
Տըռուկդ աշխարհ կը ջահե՝
Քանի որ մեջդ է մայիս:

Դըշխո', երկիր պագին ա'լ
Լեգեոններն Հըռովմի:
Ըգքեզ դատող սալարն ալ
Հմայքեդ դողալ կը թվի:

Կեցի'ր, ո'վ նավ, շո'տ կեցիր.
Ափը կ'ելլես թագուհին,
Երգս ալ կ'ըլլա ցանուցիր.
Պեսոք է փոխեմ լարերս հին”:

Գուսանն ա'լ վինը չածեց.
Իսկ համբույրով մ'այն գիշեր

Կին մԻտալիան նրվաճեց,
Մարդ մը Բուրգերն հաղթածեո:

ԶՈՒՐԻՆ ՎՐԱ

Նըվագե՛ կիթառդ, ո՛վ իմ Մելինա,
Լուսինն է ցաթեր, վերքի պես լանջքիս.
Երգդ, իբրև ըսպունգ, կը ծըծես ահա
Աստղերն երկրնքին, արցունքներն աչքիս:

Աշխարհը սոռնա՛նք. ջուրին վրա՝ լուսնին
Լուսասփյուռ ճամբա՛ն ըլլա մեր ճամբան...
Երբ պըսակեմ գլուխս ողկույզով, Մելի՛ն,
Սըրտիս արյուննե՛ն իսկ գինի կ'ըլլան:

Թող երգդ հըրճըվի՛. Ծովը լուսավետ
Անդունդին աղով կ'օծես գանգուրներդ՝
Զոր խառնեց ահա սյուքը՝ լարերուդ:

Թող երգդ արփենա՛. լեցուցի գինին
Կիթառիդ տոսախ պորտին մեջ հըրուտ...
Աստղի՛կն է նըստեր մեր նավուն քիթին:

Ո՛ՏԱԼԻԹՒԱ

Կարմրաշատայլ լույսերուն մեջ կը վառի
Կապելադ, ո՛Տալիթա:
Բե՛ր գարեջուրն, և թող փրփուրն հոսանուտ
Մատերդ ի վար պըղպըջա:

Ի՛նչ փույթ թե ես ազնրվական կը թվիմ,
Ունիմ ձեռքեր քընքշենի.
Եվ ի՛նչ փույթ թե դուն աղջիկ մ՛ես ջըլեբաց՝
Որ բանվորներ կ՛ընդունի:

Կ՛ատեն կիներն՝ որոնք դիմացն հայլիին
Դիմաներկեր կը շաղվեն.
Կը ծըցընեն Ծերակույտի անդամներ
Տըռփանքներով տարորեն:

Դահլիճներուն փարթամ կիները կ՛ատեն.
Իրենց կավատն է՝ ոսկին.
Զիրենք սիրողը կը սպառեն, և իրենք
Տան շընիկեն կը սպառին:

Բե՛ր, Տալիթա՛, բե՛ր գարեջուրն, ու նըստե
Ծունկիս վրա՝ թույլ տալով
Որ աղախնի կարճ քըղանցքեդ երևնան
Բումբերդ՝ սև գուլպայով:

Թող ճրրագներդ հյուծին մինչև առավոտ,
Եվ թող շեմին վրա երգե
Գինով աշուղն՝ հառած բիբերը մեզի,
Բիբերը գուրկ կըրակե:

Թող մազերուդ ոսկի հյուսկերը քակես
Գավաթին մեջ բյուրեղյա,
Եվ ծունկերես վար սրբունքների օրորես՝
Մինչև որ սերս հասուննա:

Ինծի ի՛նչ փույթ թե շրթունքների են խածեր
Նավաստիները կոպիտ,
Եվ հոսեր են քրրտինքն իրենց տրոփանքին
Աչքերուդ մեջ՝ ու ծոցիդ:

Այսօ կ'ուզեմ կուրծքիդ վրա գինովնալ
Ինչպես գինվոր մը արբուն.
Կ'ուզեմ պարպել գավաթդ, և դուն ալ պարպես
Սիրտըս՝ նուռի պես հասուն:

Այսօր կ'ուզեմ դահլիճին մեջ ծաղրրված
Մերըս առջևդ պղծել,
Խաբված հոգիս բերել ոսամիկ աղջրկան
Գարեջուրով մը ծախել:

ԱԴՈՆԻՍԻ ՄԸ

Արշալույսին դեմ խեփոր մը բացիր՝
Ջոր ծովն ոտքիդ տակ նետեց վիհերեն:
Արշալույսին դեմ խեփոր մը բացիր,
Կը փայլեր իր մեջ մարգրիտ մ'հոյաշեն:

Կը փայլեր իր մեջ մարգրիտ մ'հոյաշեն՝
Ջոր ճակտիդ վրա դրրիք ներդաշնակ:
Կը փայլեր իր մեջ մարգրիտ մ'հոյաշեն
Վայրի կատուի մ'աչքին հանգունակ:

Վայրի կատուի մ'աչքին հանգունակ՝
Մարգրիտն ողիիդ լոյս տրվավ գիշերն:

Конец ознакомительного фрагмента.

Текст предоставлен ООО «ЛитРес».

Прочитайте эту книгу целиком, [купив полную легальную версию](#) на ЛитРес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.